

**Nd.**

### **347. Frumvarp til laga**

um breyting á lögum nr. 62 27. nóv. 1944, um nýbyggingarráð.

Frá meiri hl. fjárhagsnefndar.

1. gr.

Á eftir 1. gr. laga nr. 62 27. nóv. 1944, um nýbyggingarráð, kemur svo hljóðandi málsgrein:

Á þennan sérstaka reikning skal og leggja 15% af andvirði útflutnings eftir á fyrir hvert ár. Skal það fé háð fyrirmælum þessara laga að öllu leyti.

2. gr.

Lög þessi öðlast þegar gildi.

### **Greinargerð.**

Frumvarp þetta er samið af nýbyggingarráði, og flytur fjárhagsnefnd það að beiðni forsætisráðherra. Nefndarmenn hafa óbundnar hendur um afstöðu til frv. og brrt. við það.

### Frumvarpinu fylgdi svofelld greinargerð:

Hugmyndin með því að setja fastar 300 millj. kr. af erlendum innieignum bankanna 1944 var sú að tryggja það að minnsta kosti, að þessi hluti af gróðra stríðsárruna yrði notaður til nýsköpunar. Það hlýtur þó að hafa verið ætlun löggjafans, að eðlileg endurnýjun og aukning atvinnutækjanna væri eftir sem áður greidd af andvirði hins árlega útflutnings þjóðarinnar. Ef það væri ekki, mundi hlutfall neyzlvara í innflutningnum aukast hlutfallslega mjög mikil, þar sem nóg kaupgeta er innanlands til að kaupa slikein vörur.

Nú er hins vegar með lögum um nýbyggingarráð því ráði fengin í hendur öll leyfisveiting fyrir innflutningi framleiðslu- og samgöngutækja, og með reglugerð er öðrum bannað að veita slikein leyfi. Eigi því „normal“ innflutningur á framleiðslutækjum að halda áfram samtímis innflutningnum fyrir 300 milljónirnar, þá verður að taka ákveðinn hundraðshluta af andvirði útflutnings hvers árs og setja hann á þann sérstaka reikning, sem nýbyggingarráði er falið að ráðstafa.

Í meðfylgjandi töflu sést, hve miklu heildarútflutningur og heildarinnflutningur og innflutningur framleiðslutækja hefur numið að verðmæti síðastliðin túu ár. Framleiðslutækji eru hér talin þær vörur, er hagstofan telur undir lið 7 í yfirliti sínu yfir innflutninginn. Eru þetta vélar, skip og önnur flutningstækji og ýmsar járn- og málmvörur (verkfæri o. fl.), og mun nokkurn veginn svara til þeirra vara, er nýbyggingarráð veitir innflutningsleyfi fyrir. Af þessari töflu sést, að innflutningur framleiðslutækja hefur þessi túu ár að meðaltali numið 13,8% af öllum innflutningnum og 12,7% af útflutningnum. Vegna þess að verzlunarskýrslunum var breytt árið 1935, er ekki hægt að fara lengra aftur í tímann með þennan samanburð. Þau túu ár, sem þessi samanburður nær yfir, hefur innflutningur framleiðslutækja verið miklu minni en eðlilegt verður að teljast. Árin fyrir stríðið átti sjávarútvegurinn, eins og kunnugt er, við mikla erfiðleika að stríða og gat ekki endurnýjað framleiðslutækji sín eins og nauðsynlegt var. Á stríðsárunum hefur ekki verið hægt að fá framleiðslutækji keypt erlendis nema í litlum mæli. Af þessum ástæðum verður að teljast nauðsynlegt að ætla hærri hlutfallstölu af innflutningnum til framleiðslutækja en áður hefur verið. Nýbyggingarráð leggur því til, að 15% af þeim erlenda gjaldeyri, sem á ári hverju fæst fyrir útflutninginn, leggist við nýbyggingarreikning og verði þar með varið til kaupa á framleiðslutækjum. Þetta fé mundi færast á nýbyggingarreikning um hver áramót, er skýrslur um heildarútflutninginn lægju fyrir. Að sjálfsögðu yrði Landsbankinn að sjá til þess, að jafnöðum og hinn erlendi gjaldeyrir berst bankanum, sé nóg lagt til hliðar, svo að bankinn geti staðið við þessa skuldbindingu um hver áramót.

### Fylgiskjal.

Ár	Útfl. alls 1000 kr.	Innfl. alls 1000 kr.	Innfl. framl.- tækja (liður 7)	Innfl. framl.- tækja i % af heildarinnfl.	Innfl. framl.- tækja i % af heildarútf.
1935 .....	47772	45470	6354	14.0	13.3
1936 .....	49642	43053	6330	14.7	12.8
1937 .....	58988	53302	7545	14.2	12.8
1938 .....	58607	50479	7541	14.9	12.9
1939 .....	70536	64183	10393	16.2	14.7
1940 .....	133030	74210	16466	8.7	4.9
1941 .....	188629	131129	14103	10.8	7.5
1942 .....	200572	247747	33395	13.5	16.6
1943 .....	233246	251301	43085	17.1	18.5
1944 .....	253845	247629	33179	13.4	13.1